

NALUNAARUTIT - Grønlandsk Lovsamling

Serie C-II

14 NOV. 2014

ISUMAQATIGIISSUT

Naalackersuisut, Finansministeriap aamma Sulinermik Inuus-
sutissarsiuteqartut Kattuffiata akornanni **sulisut sinniisaat** pillugit
isumaqatigiissut.

§ 1

Isumaqatigiissummi pineqartut.

Sulisut **sinniisoqarnerannik aaqqissuussineq** sulisartunut suli-
sorineqartunut tamanut Naalackersuisut, Finansministeriap aamma Suli-
nermik Inuussutissarsiuteqartut Kattuffiata akornanni isumaqatigiis-
sutit malillugit sulilersinneqartunut atuuppoq.

§ 2

Aaqqissuussaana.

Suliffeqarfinni tamani Naalackersuisut, Finansministeriap aamma SIK-p
akornanni isumaqatigiissutit malillugit ikinnerpaamik 5-nik su-
lisulinni sulisut sinniisaannik ataatsimik taassumalu sinniisissaanik
qinersisoqartassaaq.

Imm. 2. Isumaqatigiissummi malittarisassat allat sinniisussamut atu-
utinngillat. Sinniisussaq sulisut sinniisaattut ivertinneqassaaq § 3,
imm. 2-mi maleruagassat naammassineqarpata.

Imm. 3. Suliffeqarfimmi sulisut 5-nit ikinneruppata sulisut
sinniisaannik aaqqissuussinerup atuutsinneqarnissaanik isumaqatigiis-
suteqartoqarsinnaavoq.

Imm. 4. Nunaqarfinni imm. 1-imiit 3-mut malillugit qinersinermut taarsiullugu sulisut Naalakkersuisut, Finansministeriap SIK-llu akornanni isumaqatigiissutit naapertorlugit sulisorineqartut ataatsimut 1-imik sinniisulerneqarsinnaapput.

Imm. 5. Suliffeqarfik suliffeqarfinnut, immikkoortortaqarfinnut assigiinnilluunniit suliaqarfinnut arlalinnut immikkoortitigaagaangat suliffeqarfinnut ataatsimut arlalinnulluunniit, immikkoortortaqarfinnut imaluunniit assigiinnik suliaqarfinnut sulisut sinniisissaannik qinersisoqarnissaanik isumaqatigiissuteqartoqartassaaq, taamaalilluni sulisut sinniisoqarnerannik aaqqissuussinerup siunertaa suliffeqarfinnilu pisariaqartitat naammassineqarsinnaaqqullugit.

Imm. 6. Suliffeqarfimmi ataatsimi sulisut arlalinnik sinniisoqarpata suliffeqarfimmi sulisut sinniisaat akunnerminni ataatsimut sinniisussaminnik qinersisinnaapput apeqqutini tamanut tungassuteqartuni, assersuutigalugu § 5-imi imm. 1-imi taaneqartuni, sulisut tamarmiusut sulisitsisumut sinniisorisinnaasaannik.

§ 3

Sulisut sinniisaannik qinersineq.

Sulisut sinniisaat § 2-mi imm. 1-imi aamma 2-mi taaneqartut iluanni sulisunit qinerneqartoq SIK-p immikkoortortaqarfianut, SIK-mut ataveqartumut, ilaasortaassaaq. Sulisut sinniisaat sulisut pikkorissutut akuerisat ukioq kingulleq suliffeqarfimmi sivikinnerpaamik qaammatini 3-ni sulisimasut akornannit qinerneqartassaaq.

Imm. 2. Sulisut sinniisaannik qinersineq SIK-p immikkoortortaqarfiata siulersuisuinut nalunaarutigineqartassaaq. Siulersuisut akuersissuteqagqaartinnagit sulisitsisumullu allakkatigut tamatumingga nalunaaruteqagqaartinnagit qinersineq atortussaatinneqartassangilaq. Sulisut sinniisaannik qinersineq pissutissalimmik akerlerineqassappat sulisitsisoq pisinnaatitaavoq qinersineq SIK-p immikkoortortaqarfiata siulersuisuinut naammagittaalliuutigissallugu.

§ 4

Suleqatigiinneq.

Sulisut sinniisaat pisussaavoq sulitsitsisoq suleqatigalugu pisinnaasani naapertorlugit sulinermi pissutsit eqqissisimanartuutinniassallugit pitsaasuutinniassallugillu. Sulisitsisoq taamatuttaaq pisussaataavoq.

§ 5

Sulisut sinniisaattut sulineq.

Sulisut sinniisaat naammagittaalliutit, isumaqatigiinnginnerit aamma isumaqatigiissutitut tunngasunik ajornartorsiutit pillugit isumaqatigiissitsiniarnissamut pisinnaatitaallunilu pisussaataavoq, ilaatigut makku pillugit:

Piffissap suliffiusussap inissisimamera, nerinermi qasuersarnermilu uninngasarfissat taakkulu inissisimameri, sulinngiffeqarnissap pilersaarusiornegarnera, nakkutilliinissamik sulissutigisassat, sullivanimmi isumannaallisaanissamut tunngasunik aqqissuussinerit, isumaqatigiissutit paasinnittarnermik ajornartorsiutit, eqqiluisarnermut tunngasunik aamma naammassisat tunngavigalugit aningaasarsiassanik isumaqatiginninniarnit, naammassisat tunngavigalugit aningaasarsiaqartitsinermit toqqaannartumik peqataasut sulisitsisullu akornanni isumaqatigiittoqarsinnaassanngippat. Tamanna atuuppoq apeqqutip sulisitsisumit suleqataasunilluunniit sulisut sinniisaannut apuunneqarnera apeqqutaatinnagu. Isumaqatigiinniarnit taakkulu naammassineqarnerat isumaqatigiissutitut tapiliussatigut allakkiarineqartassapput tamatuma kingornatigut illuatungeriinnit malinneqartussanik.

Imm. 2. Sulisut sinniisaat sulisitsisorlu piginnaatitaanngillat isumaqatigiissutitini atuuttuni pissutsinik aalajangersarneqartunik allannguinnissamik isumaqatigiinniuteqarnissamut.

Imm. 3. Sulisut sinniisaata isumaqatiginninniutigisinnaasai sulinermi pissutsinut sulisitsisumik isumaqatiginninniarfigisinnaasaanut killilerneqarput. Sulisut sinniisaat pisussaavoq sulisitsisumit suliaassiissutigineqartup suleqataasup inuunini avatinilu navianartorsiortinnagit suliarisinnaaneraa nakkutigissallugu. Ulorianartunik sulisoqartillugu soorlu akuutissanik toqunartortalinnik, umiarsuarni imerpalasuusivinnik saliinissani, innaallagissiorfiit motorinik saliinissani, salliarnartalinni sulinissani, qaartiterinissani il.il. sulisut sinniisaat sulisullu taama sulinerup aallartinnginnerani tamakkuninnga ilisimatinneqartassapput.

Imm. 4. Suliffeqarfimmi nutaanik sulilersoqartillugu sulisut sinniisaat pisussaavoq sulilersut suliffeqarfimmik aamma sulinerup qanoq issusianik paasissutississallugit aamma sulineq aallartinneqartinnagu suleqatiminnut ilisaritissallugit.

Imm. 5. Suliffeqarfinni piffissani nikerartuni suliffinni suleqatigiikkuutaat tamarmik § 2-mi imm. 5 naapertorlugu sulisut sinniisaannik qinersisinnaapput.

Imm. 6. Sulisut sinniisaata sulisut sinniisaattut sulinera ingerlanneqassaaq pineqartup nalinginnaasumik sulineranut annikinnerpaamik uneqattaartitsilluni.

Imm. 7. Suliffeqarfinni arlalinnik sulisunut sinniisulinni sulisitsisup SIK-llu immikkoortorta qarfiata toqqaannartumik isumaqatigiinni areernerisigut ataatsimut sulisut sinniisaata (sinniisunerup) piffissap suliffiup affaa tikillugu suliffeqarfimmi taassumalu avataani aningaasarsiaminik annaasaqaatiginagu sulisut sinniisaattut sulinermi atuisinnaanissaanut periarfissaqarpoq.

Imm. 8. Suliffeqarfinni ataatsimoorussamik sinniisoqanngitsuni sulisut sinniisaata sulinermi atugassai sulisitsisup aamma SIK-p immikkoortorta qarfianni siulersuisut akornanni isumaqatigiissutigineqartassapput.

Imm. 9. Suleqatit, sulisitsisup imaluunniit sulisut sinniisaata kissaateqarnerisigut ataatsimiittoqartarsinnaavoq. Suleqatit sulisullu sinniisaata ataatsimeeqatigiinneri piffissami sulisut sinniisaata sulisut sinniisaattut sulinissaminut atugassaata ingerlanerani ingerlanneqartassapput.

Imm. 10. Sulisut sinniisaasa ataatsimiinneri piffissap suliffiup ingerlanerani suliffiulli avataani pisut, S.I.K.-p immikkoortortaqarfianit aqqissuussaasut, suliffimmit qimagusimanissamik pisinnaatitsiffiupput akissarsiat tamakkiisumik piginnarlugit.

Imm. 11. Illua-tungeriit tamarmik pisussaapput tatigeqatigiilluni suleqatigiinnikkut § 4 malillugu apeqqutit tamaasa aqqinniartarnissaannut. Isumaqatigiittoqarsinnaassangippalli sulisut sinniisaat SIK-p immikkoortortaqarfianut ikiortissarsiorsinnaavoq, taamaaliortoqarpallu SIK-p immikkoortortaqarfia sulisitsisumut isumaqatiginninnialersinnaavoq. Tamatumuuna isumaqatigiittoqarsinnaassangippat suliaq ingerlateqqinneqarsinnaavoq sulianut tunngasuni aqqiagiinngissutit suliarineqartarnissaat pillugu isumaqatigiissut naapertorlugu.

Imm. 12. Sulisut sinniisaata suliffeqarfimmi suleqatit soqutigisaasa suliarineqartarnissaat pisussaaffigaa. Tatigeqatigiilluni suleqatigiinneq sapinngisani tamaat ingerlaannartinniassavaa. Pingaartumik sulisut sinniisaata suleqatigiinnissamullu ataatsimiititaliap - suliffeqarfimmi taamaattoqarpat - isumaginiassavaat suliffeqarfimmi tamanut isumaqatigiissutitigut aalajangersakkanik paasinnilluarnissamut suleqataanissaq taamatullu pisussaaffigalugu aalajangersakkat tamakku malinneqarnissaasa sulissutiginnissaat.

§ 6

Sulisut sinniisaattut suliaqarunnaarneq.

Sulisut sinniisaata soraarsitaanera pissutissaviusunik tungaveqartinneqartassaaq, sulisitsisorlu pisussaavoq sulisut sinniisaat soraarsitaanissaanik ilisimatissallugu sulisut sinniisaata suleqataasutut allatulli ilisimatinneqarnissaanik qaammatinik 3-nik sivilisunerusumik.

Imm. 2. Sulisut sinniisaata sulinera nalinginnaasumik piffissap ilisimatitsiffiusup iluani unitsinneqarsinnaanngilaq, aamma taamaaliortoqartinnagu S.I.K. soraarsitsinerup eqqortuuneranik akerleriissutit suliarineqartarnerat malillugu suliarinninnissaminut periarfissinneqaaqqaarsimassaaq. Anguniarneqartariaqarpoq suliap akerleriissutit suliarineqartarnerat malillugu suliarineqarnissaata sapinngisamik piaartumik suliarineqarnissaa taamaalilluni piffissaq soraarsitsinissamik ilisimatitsivik naatinnagu aalajangiisoqarsinnaaqqullugu.

Imm. 3. Soraarsitsineq akerleriissutit suliarineqartarnerat malillugu suliarineqareerluni eqqunngitsuutinneqaraluartoq sulisitsisup sulisut sinniisaannik soraarsitsinini aalajangiusimaannassaguniuk piffissap soraarsitsinissamik ilisimatitsiviusup nalaani aningaasarsiaqartitsinermi saniatigut taarsiissutinik akiliuteqartussaatitaavoq, pissutsit tunngavigalugit annertussusilerneqartussanik, kisiannili sap.akunnerini 13-ini aningaasarsiat sinnernagit, qaammatini kingullerni 3-ni sulisut sinniisaata agguaqatigiissillugu isertitarisimasai tunngavigalugit naatsorsorneqartussanik. Taama taarsiissuteqarneq naggataarutaasumik aalajangiineruvoq.

Imm. 4. Sulisut sinniisaata soraarsitaanerata eqqortuuneranik apeqgut aamma pineqartumut taarsiissutegartogassappat taakku angisusissaat akerleriissutit suliarineqartarnerat malillugu aalajangerneqassapput.

Imm. 5. Sulisut sinniisaat taamatut suliaqarnerminit sukkulluunniit tunuarsinnaavoq.

Imm. 6. Sulisut sinniisoqarfimmi pineqartumi suleqatit affaat sinerlugit sulisut sinniisaannik tatiginnikkunnaarlutik nalunaaruteqarpata sulisut sinniisaat erninnaartumik tunuassaaq.

Imm. 7. Sulisunik sinniisoqarfimmi pineqartumi sulisut 5-nit ikinnerulerpata sulisunut sinniisup taamatut atuunna unissaq, allaas-saarli illuatungeriit akerlianik isumaqatigiissuteqarpata, tak. § 2, imm. 3.

Immikkoortoq S.
(Sulisut sinniisaat pillugit
aalajangersakkat
SIK)

§ 7


Piffissaq isumaqatigiissutip atuuffia.

Isumaqatigiissut manna 1. april 2014-imi atuutilerpoq.

Imm. 2. Isumaqatigiissut illuatungeriinnit tamanit qaammatinik 3-nik siogqutsilluni ilisimatitsereernikkut 31. marts-imut atortussaajunnaarsinneqarsinnaavoq, tassa nalinginnaasumik ukiuni aningaasarsiat pillugit isumaqatigiiniartoqartillugu tamatumunnga peqatigitillugit atortussaajunnaarsinneqarpata. Isumaqatigiissut allannguuvigineqanngippat, atuuttoq ingerlaannassaaq isumaqatigiissummik nutaammik atsiortoqarnissaata tungaannut.

Nuummi ulloq 14 NOV. 2014

Sulinermik Inuussutissarsiteqartut
Kattuffiat



Jess G. Berthelsen

Naalakkersuisut
n.s.



Frederik Møller

Finansministeriet
P.M.V
e.b.



Eva Hoff Sonne

Taamaalilluni isumaqatigiissut 18. september 2009-imeersoq atorunnaarpoq.

ASA/ OPS Jr. nr. 16.40/300/2014

8 - 8-mut